



Publicaziuns dalla vischnaunca, jamna 45

Damonda da baghegiar

2023-1079.000

Datum dalla publicaziun: 10 da november 2023

Patrun: Thomas Manetsch, Via Nova 11A, 7013 Domat/Ems
Representant: Thomas Manetsch, Via Nova 11A, 7013 Domat/Ems
Intenziun: Midada d'intent dretg funsil puril
Edifeci nr.: 723B /723
Parcella: 2299
Adressa: Via Caischavedra 19.1, 7186 Segnas
Zona: – Zona agricola
– Zona per il sport d'unviern
Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau il suandont project:

Nr. 2023-2075.00

Remo Vogt, Via Crestas 20, 7183 Mumpé Medel; construcziun d'in suttetg, parcella 2455, Via Crestas 30, 7183 Mumpé Medel.

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **mardis, ils 14 da november 2023**, allas **20.30** en halla Cons.

Tractandas:

1. Protocol 25-2021/2024
2. Preventiv 2024 (messadi 43-2021/2024)
3. Ura da damondas (conform ad art. 44 dil regulativ da fatschentas)

La presidenta dil cussegl da vischnaunca

Secunda sentupada denter la giuventetgna e la suprastonza communal

La giuventetgna dalla vischnaunca da Mustér s'entaupa **sonda, ils 25 da november 2023** allas 17.00 cun la suprastonza communal en halla Cons. Ei dat ina discussiun davart la participaziun dalla giuventetgna en vischnaunca ed ina tscheina communal. A quella discussiun ein tut ils giuvenils denter 16 e 30 onns cordialmein envidai. Annunzias prendin bugen encunter entochen mesjamna, ils 22 da november 2023 sut tcadruvi@disentis.ch ni 081 920 36 36.

Suprastonza communal



Scaldaments mobils el liber

Bulius da scaldar, radiaturs, radiaturs d'infratgietschen etc.

Sebasond sin art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il Departament da construcziun, traffic e selvicultura dil Grischun relaschau suandonta disposiziun:

Per mintga apparat da scaldar mobil - gas, electricitad ed ieli - che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau ina tonna CO₂. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau treis tonnas CO₂ e.a.v. Silmeins 20% dall'immissiun CO₂ sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.

Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.

La cumpensaziun dall'immissiun da CO₂ succeda entras il possessur ni entras la vischnaunca.

Sch'ils possessurs cumpenseschan sezs l'immissiun da CO₂, vegn la vignetta concedida gratuitamein entras la vischnaunca.

La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO₂ (p.ex. myclimate). Per apparats da scaldar electrici sa l'obligaziun da cumpensar l'immissiun da CO₂ era vegnir ademplita, sch'ei vegn applicau – per mintga tonna CO₂ che sto vegnir cumpensada – cumprovadamein 4'500 kWh d'electricitad ch'ei vegnida producida cun energias regenerablas.

Sch'ils possessurs cumpenseschan buca sezs l'immissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada.

Il prezi per vignetta importa frs. 60.--.

Las vischnauncas impundan igl entir recav dalla vendita da vignettas per cumpensar l'immissiun da CO₂.

Igl uffeci d'energia e traffic metta a disposiziun in agid d'execuziun per las vischnauncas.

Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Administraziun communal

Administraziun communal – Informaziun

Muort in'occurrenza interna vegn la serrada dall'administraziun communal e da tuts uffecis en casa communal anticipada **venderdis, ils 10 da november 2023** per in'ura sin las **13.00**.

Bien engraziament per Vossa capientscha.

Administraziun communal



Fiera Sogn Martin

Gliendisdis, ils 13 da november 2023 ha liug sco mintg'onn l'usitada fiera da Sogn Martin. Ils stans vegnan endrizzai sin la Via Lucmagn.

Las preparativas entras la vischnaunca entscheivan quei di allas 05.00 e la fiera ha liug naven dallas 08.00 entochen allas 17.00. Silsunter setracta ei da far uorden, quei che cuoza entochen ca. allas 19.00.

Per evitar incaps, supplichein nus las fatschentas el contuorn dils stans da fiera da sche pusseivel buca schar vegnir quei di autos cun pli grondas furniziuns.

Nus engraziein grondamein per la capientscha.
Uffeci da baghegiar

Evangelisch-Reformierte Kirchgemeinde Cadi

Ordentliche Kirchgemeindeversammlung, Sonntag, 26. November 2023 um 11.10 Uhr im Kirchgemeindezentrum AUA VIVA in Disentis.

Invitaziun: Radunonza generala dalla pleiv reformada

mira sut pagina d'internet www.auaviva-cadi.ch

Liebe Kirchgemeindemitglieder. Der Kirchgemeindevorstand lädt alle recht herzlich zu unserer Herbstversammlung ein. Nach dem offiziellen Teil laden wir euch gerne noch zu einem kleinen Umtrunk ein!

Traktanden:

1. Begrüssung
2. Wahl der Stimmezähler/Innen
3. Genehmigung des Protokolls der Kirchgemeindeversammlung vom 16.05.2023
4. Bestätigung des Steueransatzes 2024 (17% + 3.5% = 20.5% wegen Steuerausgleich)
5. Budget 2024
6. Wahlen: – Susanne Strupler (Bestätigung)
– Christian Gerber (neu)
7. Verabschiedung Yvette Riesen
8. Bewilligung Projekt Biotop
9. Bericht Pfarramt
10. Bericht Fundaziun Tür auf – mo vinavon
11. Anträge
12. Infos und Varia

Anträge zuhanden der Kirchgemeindeversammlung sind schriftlich bis spätestens am 12. November 2023 an die Ev.-ref. Kirchgemeinde, z.H. des Präsidenten Hans Möckli, Via Davos Mustér 4, 7180 Disentis/Mustér zu senden.

Der Kirchgemeindevorstand: Hans Möckli, Jeannette Venzin, Susanne Strupler und Tina Bundi

Oz en biblioteca!

Cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 10 da november 2023** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Mats selegra fetg sin tei.



Kino en biblioteca

A caschun dalla notg da raquents svizra sut il motto «Viva la musica» envida la biblioteca ad ina sera da kino. **Venderdis, ils 10 da november 2023** dallas 20.00 - ca. 22.00, per affons navenda 8 onns. Nus selegrein sin tia viseta.

Il team dalla biblioteca populara Disentis/Mustér e contuorn

Uniun da dunnas Disentis/Mustér

Teateret da casperet

Tri tra trullala, il Casperet vegn puspei. Bugen envidein nus tut ils affons en accompignament dad ina persuna carschida ad in teateret da casperet. Il toc senumna «Il striun ed il stival gigant» e ha liug **mesjamna, ils 22 da november 2023** allas 14.30 el Center d'agricultura Surselva a Salaplauna. Silsunter dat ei ina stiva da caffè ed in cantun da zambergiar pils affons.

Nus selegrein sin vossa viseta!

Cordialmein envida

Uniun da dunnas Disentis/Mustér, ressort affons

Uniun Indoor Festival Mustér

Lotto cun fetg bials premis. **Sonda, ils 18 da november 2023** el center Fontauna, Mustér. Entschatta allas 19.00.

Lotto mit sehr schönen Preisen, **Samstag, 18. November 2023** im Center Fontauna, Disentis. Beginn 19 Uhr

Inserat!
